



Foû dès pinsêyes nén co rècheûwes : "C'n'èst nén l' tout d' awè ène triomfe dins li scanson, dijève ène vîye bêteuse, i l' faut co sawè mète èt chûre ! "

"L' awè longueûwe èt flawe oudobén coûte èt vayante, l' mia n' èsse



nén d' sawè s' è sièrvu à môde di djin ?"

"M' vijin a bau s' vanter d' ièsse l' pu bia mimbré au monde, qu'

èsse qui ça m' pout fé ? Dji seû tot d' min.me tot seû dins nosse ruwalète à m' sawè l' mia m' sièrvu d' mès agayons... s' apinse si feume."

Asteûre, à l'après do Bèru da San-Antonio :

"Dj' è nn'a conxhu, mi, dès cis qui n' avîne djusse qu' én vî pakèt d' cwène di laurd là èwouski dj' pinse èt qu' ça n' lès èspètchéve nén d' fé tchîr bèn dès djins. P'tète bèn djustumint qu' ça l' zeu intèrtinéve lès viyès rancunerêyes ? Aloz sawè qwè... L' ome n' è nn' a todi ieu qu' pou s' kèkeûwète. Èle lî trévautche tofèr

dins s' cèrvia co pire qu' dins l' sot-lî-lèye dès mèskènes à soudârds. Tinoz, v' la qu' ça m' riminbère qu' c' èst come quand qu' dj' èstève co djon.ne ome èt qu' dj' avève in bègnon d' soçons qu' ça lzeû trotève è l' tièsse l' peû d'awè dèl flauwité d' rècrèxhâdje. Dj'a co pa pa-dvant mès ouy onk di zèls qu' avève s' scoubidou arnauje. Ène vrêye misère d' pitite sicole ! Nén pus gro qu' li p'tit dwèt d'ène apurdisse faufileuse, èt co... dji conte laudje. Djèrmin qu' i s' pitit loméve. Quand i finichève s' pichlote, t' aréve dit qui cheûdéve lès cindes d' ène cigarète à coron doré. L' djoû qu'on z' a passé èxhone ène visite amon l' médcin do travay, i-l-a manqué d' tchêr au rvièr à vôye m' rondin monté è stapète à flayî auzès gayes. In parêy bordon, i n' aréve mauy rêvé qu' ça poléve ièsse rèscontré è l' amia. Adonpwî, à chake còp qu'on s' ritrovève èxchone tot seûs, sins manké i m' ridmandéve à l' co rivoye d'au pus près. I nn'd'avève dès ronds-ouy rètchîs foû d'leûs traus. I z-è bègèyéve dès " Maria-dèyi d' potfèrdom di londèri, vos m' è diroz tant " à fé pitié. A insi l' ètinde, t' aréve fondu copus rade qui l' nîve aus quat' solias d' awouss' !

Pauv' Djèrmin, don. Po fini, c'èst d' mwin d' mèse qui dji lî a rarindjî lès bidons, à c' brâv' camaraude. Figurèz-vos qu' ène vièsprêye qu'on-èsteuve à bèrlôder à Nameûr, dj' avisse l' vitrine d' on bazâr. Dès deus costés i gn'aveut d' cès mirwès qui vos twartchîyenut l' rèflèchissâdje di vosse portrait. Onk qui vos raptitissève èt l' ôte qui vos-ècrauchève èt vos grandî è min.me timps. Vos conchoz binsûr l' afêre, ènn'don ? D' on lan, dji vos-a-t-astampé nosse Djèrmin pa-dvant l' deuzyin.me.

- Alez, mfi ! qui dj' lî a lancî, mètoz foû vosse brokète èt li rwêtî dins l' mirwè. Qwè z-è dijoz achteûre ?... Nén dandjî d' li rèpèter deûs còps. Li v'la, avou s' marone au rèz d' sès solés, a prèsinter s' rikète di choufrot à l' bodènèyeuse glace. Vint diâles di tonwâres, l' fèl cougnèt qu' ça li donéve, au Djèrmin ! In-atrèkèdje d' èlèfant, mfi ! Ène spitchroule po lès vatches ! Èrcule d' aujtès-chiasses ! Vos l' arîz vèyu si spani, l'



Djèrmin ! R' lèver au pus wôt s' drapia à flotches ! È, à deûs dwèts, voz m' l' ayèssî do d'zoo. Bzouôû, l' sacrêye bièsse ! i cokiâteve come nèn possible : " Adon là, po do bordon, c'èst do baston d' prumêre ! Nom di diâle di londi d' diâle ! ça vos frève braîre ène roncine ! R'wêtoz, Bèru ! Nonna, mins r'loukîz don : dji m' pou rècrèster pus fwart qui vos. A costé di m' triomfe, vos n' avoz pus qu' in ritchitchi d' chita !" Dji n' lî a nèn v'lu ricassî qui dji n'avève qu' a mèl mète èto dvant l' mirwè po lî mostrer c' qui ça m' ramwinréve èto come ricréchance

Mi, vos m' conchoz, dji n' vou qui do Bén au monde ètir. Do momint qu' ça lî rapaujéve lès-angouches, dji n' avève qu' a l' lèyî nawî dins sès rêves di grandeû, l' Djèrmin. Ça lî fiève come ène pikûre di mwârt-fène au mitan d' sès rabachmints. Li qu' è nn'd' avève plin li skine d' ètinde totes lès comères do vichnauve lî dire au momint brokaudèlisse : "E Bén, dijoz, faut r' conèxhe qui l' bon Diè n' vos a nèn gâté. Qwè vloz qui dj' fêye avou c' fistu là ? R' nètyî l' traou di m'gro dint dèss rèstants d' salåde do din.ner oudobin choufler dins l' cu d' ène ètike rin.nète po sayî di l' fé pèter ?" qui finichève pa toûner sot, l' pauv' valèt. Po in côp qui s' vèyéve avou dèss agayons d' torè d' BBB; i n' mi falève nèn li disrandjî l' èxtâze è lî ramwinnant pa-padvant s' mouzon mès mèr-z-avantâdjès.

- Ratindèz, dji n'n'a nèn fini avou l' Djèrmin...Rindèz-vos conte qu' après ça i nn'd'a bagué di s' mauhone èt stî dmèrer à Nameûr. Tos l'z-anûtis, l' reûwe vudiye dèss djins, i coréve s' admirer l' Popol dins l' miraculeû mirwè. Ça n'a nèn manqué, il a fini pa s' fé calindjî

po z-outrâdjès ausès bounès meurses. Pinsèz qu' ça l' a rapauji ? L' arève valu ! I n' s' a nèn djoké po ça d' rivnu èt rivnu s' rècrèster dvant l' glace do diâle. On nos l' a Bén stichî ène dozène di côp à l' Amigo. Ça z-a toûné mau après s' dêrinne sôrtîye d' prijon. Après chîj mwès d' gayole, a pwin.ne rèchu foû, l' vola tot drwèt èvoye d' in randon à l' botike. Bardaf ! èle avève clô s'n-uch èt fé place à ène fritûre. Stèvoye lès mirwès ! M' crwèroz si dj' vos dit qui s'a tapé è Moûsse sakants djoûs après ?

- Vosse istwêre èst Bén trisse, lî dî-dj'.
- Pîre : c'èst l' pûre vèrité ! sospîre li gro... " (La sexualité - Presses Pocket)



A todi vos plinde di c' qui vosse vijin pou dire èt radîre, n' arîz nin on complèxe d' infèriorité (n' vos sintoz nèn l' pus minâbe) ? Après tot, fyoz èt lèyoze dire.

Kankafé (racabolu), kiki va fé parèy qui Bèru po lès mazos dèl linwe ? K' li vijin l' euche kèrdjîye d' ans èt d' razans èt s' è vante, qwè c'qui ça po co nos Bén foute ? Djokans-n' d' nos todi plinde di lèye ?